

前途用接餘命時善住王及彼夫人各以善言慰喻其子聚首哀戀捨之遂行介時王子而作是念我以身肉濟活親命願達鄉國身安泰然以此善根速獲菩提濟度十方一切群品使離眾苦證真常樂發是願時三千世界六種震動欲色諸天悉皆驚愕即以天眼

滅一

八末

代

觀於世間乃見菩薩修是孝行是諸天子於虛空中合掌稱讚淚墮如雨時天帝釋化作虎狼試驗菩薩欲來吞噉王子自念此諸猛獸今來食我唯有餘骨悉皆施之以歡喜心不生悔惱是時帝釋還復本形讚王子言甚為希有能以身肉濟活二親如是孝心無能

及也汝須何願今當說之我唯志求無上佛道天帝復言我今親汝身肉都盡疲苦難堪得無悔恨於父母耶王子答言若我誠實心無悔恨決定當來成佛者使我身肉倏然如故作是誓已即得平復時天帝釋及諸天人同聲讚言善哉善哉佛告阿難往昔之時

善住王者豈異人乎今淨飯父王是王夫人者今摩耶夫人是昔善生王子者則我身是也

菩薩本生鬘論卷第一

菩薩本生鬘論卷第二

聖勇菩薩造

滅二

觀世音菩薩摩訶薩聖勇菩薩造

最勝神化緣起第四

爾時世尊遊化居止摩竭陀國王舍城中將諸弟子大阿羅漢一千二百五十人俱時彼

國王名泮沙王稟性仁賢久植德本已證初果得不壞信奉佛之心倍加隆厚常以上妙飲食衣服卧具醫藥供養如來及比丘眾是時國中先有外道六師之徒富闍那等久在王境宣布邪教誑惑民庶信服者眾王有一弟崇尚其宗四事欽承謂其有道佛日初出

法寶摩興王意慙慙俾令歸向固執邪說不從勸諭乃白王言我自有師不復致敬彼瞿曇也王復謂曰福田難遇可營珍饌供養如來然王所教理不敢違當設大齋不限來者若其自至我當延之備設飲食敷置牀座乃令從者密召六師應命而來處尊而坐佛及

衆生不自來赴王謂弟曰汝雖不能躬詣請佛特遣一人白言時至佛受請已將諸大衆威儀詳肅來赴會所見諸外道先踞高位乃以神足移彼六師及徒衆等皆置下行彼咸相顧各起移坐坐定復見已在其下如此至三俛仰而坐次行淨水佛語施主先與汝師

澡瓶口塞從佛爲首水乃注下次當施食佛語施主當請汝師以施其食六師口噤不能出言但指於佛佛呪願梵音清徹聽者樂聞次當行食佛語施主先奉汝師食乃住空持至佛所食即還下佛與衆生飯食已訖盥漱齒木敷座而坐次當說法佛語施主令汝師

說如前口噤但指佛說是時如來以梵音聲廣爲衆會演微妙法大衆聞已成悉了達泐沙王弟心淨信解歸依三寶得證初果自餘衆會有得二果乃至漏盡無學果者時外道輩所向失利甚懷恚惱心無暫安各於靜處求學奇術天魔波旬慮其怯弱不能保護昔

所授法乃下化作六師相狀於一人前現五人術飛行空中身出水火分形散體種種變現由是邪徒更相恃賴念前被辱衆心離散今察已能定可勝彼即詣王前自誇神異請對試之見其優劣時泐沙王乃哂之曰觀汝邪徒愚迷特甚佛德廣大言莫能宣欲以螢

滅二

二

生

火與日爭明蹄涉之水比於巨海蟻垤之阜等於須彌野干卑軀方於獅子小大相形昭然自顯六師白言大王未測我之殊變何因偏心見薄如此期後七日請置試場王詣佛所具陳上事唯願世尊暫屈威神伏除邪黨悉歸正道佛言大王我自知時王聞是語謂

佛許可即勅臣吏擇寬廣處修治平正使令
清淨建立幢幡施設牀座當其會日人民企
望於是如來將諸大衆自王舍城往毗耶離
國時彼大玉名曰唵磔將諸臣庶奉迎於佛
六師邪徒咸唱是言久知瞿曇智術微淺將
迫較勝畏而避去時泐沙王聞佛前進辦諸
供具滿五百車王及臣民可十萬數備其所
須悉隨佛往外道即白唵磔王言請與沙門
捕其神化王乃謂曰咄哉癡人自云有道但
慮汝輩自貽毀辱王白佛言六師紛紜欲比
奇術唯願如來制其邪惡佛言大王我自
知時聞說是已謂佛許可嚴治備辦如泐沙王

民庶佇觀期在明日是時如來自毗耶離統
領大衆詣拘睢彌國時彼大王名曰優填集
諸臣民悉來奉迎毗耶人民明晨問佛云何
已往拘睢彌國六師由是高心愈增語其徒
曰見必窮逼時唵磔王聞佛前進亦備供具
滿五百車以俟供養王及臣民充七萬數備

減二

三

其所須悉隨佛後自拘睢彌國往越祇國自
越祇國往特义尸羅國以至波羅奈國迦毗
羅衛國舍衛國等十時世尊所歷之境王及
臣民千萬億衆悉來奉迎供養恭敬每至一
國彼六師輩常逐於後求佛捕試廣術已能
皆如前說時諸國王所將臣民無量百千萬
億之衆充塞川野集舍衛國時彼大王名曰
勝軍有大大名稱威德特尊時六師輩前白王
言請與沙門較其優劣潛奔諸國意欲求避
我與徒屬今逐至此時勝軍王謂外道曰如
來聖德難可思議汝輩凡愚輒論勝負王詣
佛所具陳上事唯願世尊略施神化普令諸

國一切群迷觀佛神通辨其邪正佛言大王
此非小緣今正是時如其所請王勅臣吏嚴
治會所廣積香華敷設牀座諸來大衆皆悉
雲集當月一日於晨朝時佛與大衆初至論
場勝軍大王是日設食淨心親手以奉楊枝
佛受嚼已擲殘置地忽然之間發生根莖以

至青翠漸次高大三百由旬其條傍布二百由旬枝葉花果七寶所成有各種色隨色發光食其果者味如甘露一切人民覩是神變成生信重讚言希有佛隨機宜為說妙法聞法解悟得不退轉次第二日拘睺彌國優填大王請佛供養佛於兩邊化二大山高廣巖

好七寶合成眾色晃曜一山之上出粳稻飯香滑甘美如蘇陀味諸國土中無量有情共來食之皆得豐足一山上出細嫩香草食無硬澀而能充足象馬牛羊諸傍生類皆得飽滿諸國人民覩是神變成生信重讚言希有佛為說法皆悉悟解得須陀洹果次第三日

大越支國純真陀王請佛供養奉佛淨水盥漱棄地成七寶池一一方面每二百里八功德水充滿其中四色蓮華清香遠布時諸眾會覩是神變成生信重佛為說法心開意解速塵離垢皆得初果次第四日特叉尸羅國陀婆彌王請佛供養是時如來於池四面化

滅二

四

八渠流激揚清波相連灌注水聲流演八解脫法諸波羅密聞者皆發大菩提心次第五日波羅奈國梵摩達王請佛供養如來口中放金色光徧照三千大千世界蒙光照者身心泰然猶如獲得第三禪樂佛為說法得法眼淨次第六日毗耶離國唵磋大王請佛供

養如來慈力平等加持普令眾會一切眾生各互了知心行差別心所動作善惡業報成生驚喜歎佛功德佛為說法各得了解發清淨心住無生忍次第七日迦毗羅衛國諸釋種族請佛供養佛以神力令在會者各見自身為轉輪王七寶具足千子圍繞小王臣民恭肅承事各各忻慶讚佛功德佛為說法皆悉樂求無上佛道次第八日帝釋天主知佛世尊攝化邪黨下降人間請佛供養為佛造作七寶嚴飾師子之座佛坐其上光明煥赫釋梵諸天侍立左右一切眾會寂然安坐是時如來舒金色臂以手按座欬然有聲如象

王吼應時即有五大藥叉摧壞挽拽六師之座密迹金剛杵頭出火舉擬六師驚怖奔走慙此重辱溺水而死六師徒屬九萬人衆皆歸依佛願爲弟子佛言善來鬘髮自落成沙門相證羅漢果

爾時泝沙大王復白佛言世尊今者六師生

滅二

五

雖遇佛不蒙濟度願聞往因佛言大王善思諦聽乃往過去無量世時此閻浮提有一國王名賒拘利父居寶位未有聖嗣念是事已心沒憂海廣興福業祈滿此願時天帝釋化一醫師來詣王前問其憂意王以上事乃具答之醫曰爲王入雪山中採取靈藥與后妃

服後當有子王曰甚善於後醫師採藥還宮用乳煎藥進上使服王后見已避臭不服兼亦不信化醫遂去餘諸宮嬪競分藥飲服之未久咸覺有娠是時王后悔惱愁歎徧求前藥唯得少滓以乳煎服後亦有子餘諸夫人月滿生子各各端嚴王大歡悅最後王后乃

生一子面貌極醜形如株杵王與其后見之不喜因是立名株杵太子年漸長大武勇冠世時彼鄰國群寇犯境乃遣太子擊之退散王加愛念訪其良疋遠國有王名黎瑟跋蹉王有一女容止端正遣使求親乃蒙相許六國聞之各懷慕樂競來求聘舉兵相攻其王

乃曰若許其一餘則生恨能却他兵當與女適是時株杵聞是說已審爲寶爾乃利其器方在壯年戰而得勝乃取六首獻跋蹉王生大歡喜納以爲婿奪諸士卒與妻還國婦觀醜狀常有怖色王子愧恥心不自寧便至林中乃欲自盡帝釋遙知下至其所善言慰喻

賜一寶珠密令置此於汝頂上可得容儀如我無異跪而受已喜而還家婦見不識乃語之曰卿是何人夫即具說得珠之由株杵之名自茲而息乃更其號須陀囉舍佛言大王當爾之時賒拘利王者今淨飯父王是王夫人者今摩耶是醜王子者今我身是昔美婦

者今耶輸夫人是昔六王者今富闍那等六師是

如來不為毒所害緣起第五

爾時世尊遊化依止王舍城中時彼國主阿闍世王創發淨信歸依於佛四事供養曾無所乏大臣人民四部之眾咸於如來親近恭

滅二

六

敬以梵音聲說微妙法教諸弟子斷十惡業勿殺生命竊盜他財作非梵行妄言綺語兩舌惡口貪嗔邪見是諸眾生蒙佛教誨修行十善於佛法中清淨而住時有長者名曰申日財富無量有大威勢從昔已來承事外道深著邪見婆羅門法時外道輩見阿闍世王大

臣人民於如來所歸奉者眾而我徒屬不露惠施心懷憎嫉欲作損害詣長者所共相議曰沙門常說了三世事預知他人之心之所念今可驗彼為實爾不長者曰然以何試之外道告言當須長者詐作歸依諸佛就舍略陳微供彼若遙知應不見許若受請者必遭所

困乃令長者先於門內鑿大深坑多積熾火危布鐵椽薄土覆上伺其沙門頽徒至此曲躬傍引揖之上行若其安然無所損者可命沙門次當就食即以毒藥和飯授之申日云善一如所教便令掘地速辦斯事即詣請佛具伸虔意知其根熟默然許之時諸外道皆

大歡喜長者有子其名月光年十六歲具相聰利久植善本得宿命智乃白父言如來神鑒舉念即知外道愚人慎不可信時彼申日不從子言穿坑置火以毒和飯遲明遣使請佛臨訪如來知已勅諸比丘執持應器從吾之後四大天王釋梵王等天龍鬼神皆悉隨

滅二

七

侍是時如來現諸神變放金色光照申日舍與諸大眾安詳而來身相巍巍如星中月將至其門地六震動病苦有情皆得痊愈盲者得視聾者能聽毒者得消狂者得正一切音樂自然發響珍禽瑞獸率舞和鳴所覆火坑佛神力故化成清淨廣大池沼於中復現千

葉蓮花如來徐步履上前入諸大弟子各各皆蹈百葉蓮花行列而進於是申日觀佛神變省已無知生大憂怖頭面著地悔過自責食時將至忽遽欲炊上妙香飯以奉如來佛即止之但持毒藥所和飯來不須復造佛語大衆受是飯已且置鉢中未可食也世間凡

夫有其三毒一者貪欲二者瞋恚三者愚癡我今已於曠大劫來滅煩惱火心得清涼於此三毒未盡無餘假使毒藥大如須彌所穿火坑廣於大海則於吾身不能為害以佛法僧實行力故一切惡毒自然消散作是說已令食鉢飯佛及大衆一無所損彼外道輩潛

竄泯跡申日長跪頂禮佛足白言世尊我大愚癡信彼邪師造此惡行唯願大慈哀愍攝受授我懺悔令離憂怖如來為說苦集滅道四聖諦法長者聞已心淨信解得證初果作禮而退
兔王捨身供養梵志緣起第六

菩薩往昔曾作兔王以其宿世餘業因緣雖受斯報而能人語純誠質直未嘗虛謬積集智惠薰修慈悲不生一念殺害之心於彼無量百千兔中稟性調柔居其上首為彼徒屬講宣經法勸令諦聽善思念之我及汝等無始劫來不修正行隨惡流轉由四種因墮三

惡道所謂四者貪嗔癡慢或由慳貪造十惡業以是因緣墮餓鬼中慳增上故其咽如針長幼不聞漿水之名設得少食變成火聚皮骨連立受饑渴苦或由嗔恚造十惡業以是因緣墮傍生中或為鷲獸虎兇毒蛇無足多足更相食噉受駝牛報負重致遠項領穿破

償往宿債或由愚癡造十惡業以是因緣墮於地獄無淨惠故撥無因果毀佛法僧斷學般若入於苦處八寒八熱刀山劍林種種治罰或由我慢造十惡業以是因緣墮修羅中心常諂曲貢高自大離善知識不信三寶雖受福報如彼天中常苦鬪戰殘害支節我今

略陳如是諸趣所受衆苦若具說者窮劫不盡又我與汝盲無惠眼癡增上故受此兔身常受饑渴乏於水草處於林野周樟驚怖或爲置網機陷所困爲彼獵者之所傷害現受此苦深可厭患汝等各各發勤勇心修十善行趣出離道求生勝處是時兔王常爲同類

宣說如上相應法要有一外道婆羅門姓厭世出家修習仙道遠離愛欲不起嗔恚飲水食果樂居閑寂長護爪髮爲梵志相忽於一時遙聞兔王爲彼群兔宣說經法而自咨嗟乃作是言我今雖得生於人中愚癡無智不及彼兔了達善法開悟於他此必大權聖賢

所化或是梵王大自在等我因得聞彼所說法身心泰然離諸熱惱今此兔王自性仁賢善能發明先聖之道分別善惡報應之理我從昔來棲止山谷草衣木食求出離道未逢師友如是教誨今始遇之喜躍無量是時仙人即起合掌詣兔王所安徐而言奇哉大士

滅二

九

現此權身能爲有情廣宣法要汝今真是持大法者必當所蓋正法之藏願今爲我開示演說最上究竟出離之道我先修習婆羅門法久受勤苦殊無所益譬如有人信順愚夫鑽冰求火不可得也願投仁者作歸依處時兔答言大婆羅門我今所說解脫之法能盡

苦際稱汝機者但當發問無所憐惜我已久除慳貪之垢爲利有情樂住生死化彼同類受是兔身是時仙人聞是說已心大歡喜得未曾有我今幸得親附慈化願垂教誨勿辭勞倦凡歷多年義深親友食草飲泉與兔無異時世人民枉行非法慣習罪惡福力衰微善神捨離災難競起共業所招今天亢旱經于數載不降甘雨草木焦枯泉源乾涸時婆羅門即作是念我今年邁復闕所食若唯止此轉增饑羸乃白兔言今且暫離往至餘處幸勿見訝兔即告曰大仙今若不樂其所誠恐悞犯其乞容恕久要之言俄成輕別婆羅

門曰此處幽寂絕其過患諸兔調順各不侵
 撓但我薄祐乏其所食久依大士獲聞法味
 要當終身藏之心腑願廣其傳以濟群有絕
 漿亡食已經旬日恐命不保虛指前功兔聞
 是已悲哽而言今此睽違何時再遇願留一
 宿虔伸薄供是時兔王語群兔曰今此大仙

道力堅固是善知識最上福田汝等勦力多
 積乾薪共助晨食供爇之用乃詣仙所復作
 是言唯願明旦必受我請仙即許之彼婆羅
 門佇思詳審今此兔者為何所有或得甞鹿
 或遇殘獸心生歡悅勤請如是是時兔王謂
 群屬曰今此大仙欲捨我去無常別離世態

若此衆生壽命猶如幻化果報一來無能脫
 者是故汝等當勤精進求出離道得盡苦際
 爾時兔王終夜不寐為彼同類說如是法當
 其清旦詣積薪所以火然之其燄漸熾白言
 大仙我先所請欲陳微供今已具辦願強食
 之所以者何智者集財積而能施受者憐愍

滅二

十末

要必受用我今貧乏施乃為難唯願仁者決
 定納受我欲令他獲安隱樂自捨已身無所
 貪惜共諸衆生證無上覺說是語已投身火
 中時彼仙人覩是事已急於火聚匍匐救之
 不堅之身倏焉而殞抱之于膝悲不自勝苦
 哉大士奄忽若此為濟他身而捐己命我今

敬禮為歸依主願我來世常為弟子發此誓
 已置兔於地頭面作禮而復抱持即與兔王
 俱投熾燄是時帝釋天眼遙觀即至其所與
 大供養以衆寶建宰觀波佛語諸比丘昔仙
 人者彌勒是也彼兔王者即我身也
 菩薩本生鬘論卷第二

滅二

菩薩本生鬘論卷第三

滅三

聖勇護國尊者集

明教辯才法師充譯經三藏賜紫沙門巨細德等奉詔譯

慈心龍王消伏怨害緣起第七

菩薩往昔以嗔因緣墮於龍中有三種毒所
 謂氣毒眼毒觸毒又由別報福業力故身具

滅三

一